

**«Հայաստանի Հանրապետության սփյուռքի
նախարարությանը գումար հատկացնելու և
Հայաստանի Հանրապետության կառավարության
2017 թվականի դեկտեմբերի 28-ի N 1717-Ն
որոշման մեջ լրացումներ ու փոփոխություններ
կատարելու մասին»**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՓՅՈՒՌՔԻ ՆԱԽԱՐԱՐՈՒԹՅԱՆԸ ԳՈՒՄԱՐ
ՀԱՏԿԱՑՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017
ԹՎԱԿԱՆԻ ԴԵԿՏԵՄԲԵՐԻ 28-Ի N 1717-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ
ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

«Հայաստանի Հանրապետության բյուջետային համակարգի մասին»
Հայաստանի Հանրապետության օրենքի 19-րդ և 23-րդ հոդվածների 3-րդ
կետերին համապատասխան՝ Հայաստանի Հանրապետության
կառավարությունը որոշում է.

1. Հայաստանի Հանրապետության և մայիսյան հերոսամարտերի
100-ամյակին նվիրված միջոցառումների շրջանակներում 2018
թվականի ընթացքում ռադիոհաղորդումներ նախապատրաստելու և
լայնորեն լուսաբանելու համար «Հայաստանի հանրային ռադիո
ընկերություն» փակ բաժնետիրական ընկերությանը դրամաշնորհի
ծնով տրամադրելու համար Հայաստանի Հանրապետության սփյուռքի
նախարարությանը 2018 թվականի առաջին կիսամյակում հատկացնել
1000.0 հազ. դրամ՝ Հայաստանի Հանրապետության 2018 թվականի
պետական բյուջեով նախատեսված Հայաստանի Հանրապետության
կառավարության պահուստային ֆոնդի հաշվին (բյուջետային ծախսերի
տնտեսագիտական դասակարգման «Այլ ընթացիկ դրամաշնորհներ»
4639 հոդվածով):
2. Հայաստանի Հանրապետության կառավարության 2017 թվականի
դեկտեմբերի 28-ի «Հայաստանի Հանրապետության 2018 թվականի
պետական բյուջեի կատարումն ապահովող միջոցառումների մասին» N
1717-Ն որոշման NN 11 հավելվածում կատարել փոփոխություններ և
լրացումներ՝ համաձայն NN 1, և 2 հավելվածների:
3. Թույլատրել, որ սույն որոշմամբ նախատեսված գնման գործընթացն
իրականացնել՝ չկիրառելով Հայաստանի Հանրապետության
կառավարության 2017 թվականի մայիսի 4-ի N526-Ն որոշման N 1
հավելվածի 71-րդ կետի 1-ին ենթակետի «ա» պարբերության և
Հայաստանի Հանրապետության կառավարության 2017 թվականի
ապրիլի 6-ի N 386-Ն որոշման պահանջները:
4. Սույն որոշումն ուժի մեջ է մտնում պաշտոնական հրապարակմանը

հաջորդող օրվանից: